

四庫全書

集部

欽定四庫全書

玉臺新詠卷五

陳
徐陵
撰

江淹四首

丘遲二首

沈約二十四首

柳惲九首

江洪四首

高爽一首

鮑子卿二首

何子朗三首

范靖婦四首

何遜十一首

王樞三首

庾丹二首

江淹四首

遠與君別者乃至鴈門關黃雲蔽千里遊子何時還送
君如昨日檐前露已圓不惜蕙草晚所悲道里寒君子
在天涯妾心久別離願一見顏色不異瓊樹枝兔絲及
水萍所寄終不移 古體

綾扇如團月出自機中素畫作秦王女乘鸞向煙霧彩
色世所重雖新不代故竊悲涼風至吹我玉階樹君子
恩未畢零落在中路 班婕妤

秋月映簾櫳懸光入丹墀佳人撫鳴琴清夜守空帷蘭

徑少行迹玉臺生網絲夜樹發紅彩閨草含碧滋羅綺
為君整萬里贈所思願垂湛露惠信我皎日期 張司

空離情

西北秋風至楚客心悠哉日暮碧雲合佳人殊未來露
彩方泛豔月華始徘徊寶書為君掩瑤琴詎能開相思
巫山渚悵望雲陽臺金鑪絕沈燎綺席徧浮埃桂水日
千里因之平生懷 休上人怨別

丘遲二首

清歌自言妍雅舞空仙耳中解明月頭上落金鈿雀
飛且近遠暮入綺窻前魚戲雖南北終還荷葉邊惟見
君行久新年非故年 敬訓柳僕射征怨

丈夫吐然諾受命本遺家糟糠且棄置蓬首亂如麻側
聞洛陽客金蓋翼高車謁帝時來下光景不可奢幽房
一洞啓二八盡芬華羅裾有長短翠鬢無低斜長眉橫
玉臉皓腕卷輕紗俱看依井蝶共取落檐花何言征戍
苦抱膝空咨嗟 荅徐侍中為人贈婦

犯肌骨非直傷綺羅銜涕試南望關山鬱嵯峨始作陽
春曲終成苦寒歌惟有三五夜明月整經過 昭君辭
山陰柳家女莫言出田墅丰容好姿顏便僻工言語腰
肢既軟弱衣服亦華楚紅輪映早寒畫扇迎初暑錦履
並花紋繡帶同心苴羅襦金薄厠雲鬢花釵舉我情已
鬱紆何用表崎嶇託意眉間黛申心口上朱莫爭三春
價坐喪千金軀盈尺青銅鏡徑寸合浦珠無因達往意
欲寄雙飛鳧裾開見玉趾衫薄映凝膚羞言趙飛燕笑

沈約二十四首

登高眺京洛街巷紛漠漠回首望長安城闕鬱盤桓日
出照鈿黛風過動羅紉齊童躡朱履趙女揚翠翰春風
搖雜樹葳蕤綠且丹寶瑟玫瑰柱金羈瑋瑁鞍淹留宿
下茶置酒過上蘭解眉還復斂方知巧笑難佳期空靡
靡含睇未成歡嘉客不可見因君寄長歎 登高望春
朝發披香殿夕濟汾陰河於茲懷九逝自此斂雙蛾沾
莊疑湛露繞臆狀流波日見奔沙起稍覺轉蓬多寒風

殺秦羅敷自顧雖悴薄冠蓋曜城隅高門列駟駕廣路
從驪駒何慚鹿盧劔詎減府中趨還家問鄉里詎堪持
作夫 少年新婚為之詠

捨轡下彫輅更衣奉玉牀斜簪映秋水開鏡比春妝所
畏紅顏促君恩不可長雞冠且容裔豈吝桂枝亡 攜

手曲

西征登隴首東望不見家關樹搗紫葉塞草發青牙昆
明當欲滿蒲萄應作花流淚對漢使因書寄狹邪 有

所思

河漢縱且橫北斗橫復直星漢空如此寧知心有憶孤
銜曖不明寒機曉猶織零淚向誰道鷄鳴徒歎息夜

夜曲

楊柳亂如絲綺羅不自持春草青復綠客心傷此時翠
苔已結消碧水復盈淇日華照趙瑟風心動燕姬衿中
萬行淚故是一相思春詠

風來吹葉動風去畏花傷紅英已照灼況復含日光歌

童暗理曲游女夜縫裳詎減當春淚能斷思人腸 詠

桃

月華臨靜夜夜靜滅氛埃方暉竟戶入圓影隙中來高
樓切思婦西園游上才網軒映珠綴應門照綠苔洞房
殊未曉清光信悠哉 詠月

輕陰拂建章夾道連未央因風結復解霏露柔且長楚
妃思欲絕班女淚成行流人未應去為此歸故鄉 詠

柳

江南簫管地妙響發孫枝殷勤寄玉指含情舉復垂彫
梁再三繞輕塵四五移曲中有深意丹誠君詎知 詠

箎

憶來時的的上階墀勤勤敘離別慊慊道相思相看常
不足相見乃忘飢

憶坐時點點羅帳前或歌四五曲或弄兩三弦笑時應
無比嗔時更可憐

憶食時臨盤動容色欲坐復羞坐欲食復羞食含情如

不飢攀甌似無力

憶眠時人眠彊未眠解羅不待勸就枕更須牽復恐傍人見嬌羞在燭前 四憶

織手製新竒刺作可憐儀紫絲飛鳳子結縷坐花兒不聲如動吹無風自裊移麗色儻未歇聊承雲鬢垂 領

邊繡

丹墀上颯沓玉殿下趨鏘逆轉珠珮響先表繡袿香裾閒臨舞席拂袖繞歌堂所歎忘懷妾見委入羅牀 脚

下履

漠漠牀上塵中心憶故人故人不可憶中夜長歎息歎
息想容儀不欲長別離別離稍已久空牀寄杯酒 擬

青青河邊草

大婦埽玉墀中婦結羅帷小婦獨無事對鏡畫蛾眉良
人且安卧夜長方自私 擬三婦

挾瑟叢臺下徙倚愛容光佇立日已暮戚戚苦人腸露
葵已堪擗湛水未霑裳錦衾無獨煖羅衣空自香明月

雖外照寧知心內傷 古意

夜聞長歎息知君心有憶果自閨闈開魂交覩容色既
薦巫山枕又奉齊眉食立望復橫陳忽覺非在側那惡
神傷者潺湲淚霑臆 夢見美人

可憐桂樹枝單雄憶故雌歲暮異棲宿春至猶別離山
河隔長路路遠絕容儀豈云無我匹寸心終不移 效

古

扶道覓陽春佳人共攜手草色猶自非林中都未有無

事逐梅花空中信楊柳且復歸去來含情寄杯酒
初春

去秋三五月今秋還照房今春蘭蕙草來春復吐芳悲
哉人道異一謝永銷亡屏筵空有設帷席更施張遊塵
掩虛座孤帳覆空牀萬事無不盡徒令存者傷
悼亡

柳惲九首

孤衾引思緒獨枕愴憂端深庭秋草綠高門白露寒思
君起清夜促柱奏幽蘭不怨飛蓬苦徒傷蕙草殘
其一行

役滯風波遊人淹不歸亭臯木葉下壘首秋雲飛寒園

夕鳥集思牖草蟲悲嗟矣當春服安見禦冬衣其二鶴鳴勞永

歎采菘傷時暮念君方遠徯望妾理紈素秋風吹綠潭明月懸

高樹佳人飾淨容招攜從所務其三步欄杳不極離家肅

已扃軒高夕杵散氣爽夜砧鳴瑤華隨步響幽蘭逐袂

生峙嶠理金翠容與納宵清其四泛豔回煙彩淵旋龜鶴

文淒淒合歡袖苒苒蘭麝芬不怨杼軸苦所悲千里分

垂泣送行李傾首遲歸雲其五擣衣詩

別島望風臺天淵臨水殿芳草生未積春花落如霰出
從張公子還過趙飛燕奉帝長信宮誰知獨不見 獨
不見

少長倡家女出入燕南垂惟持德自美本以容見知舊
聞關山遠何事總金羈妾心日已亂秋風鳴細枝 度
關山

雲輕色轉暖草綠晨芳歸山墟罷寒晦園澤潤朝暉春
心多感動觀物情復悲自君之出矣蘭堂罷鳴機徒知

游宦是不念別離非 雜詩

玉壺夜悄悄應門重且深秋風動桂樹流月搖輕陰綺
檐清露漙網戶思蟲吟歎息下蘭閣含愁奏雅琴何由
鳴曉珮復得抱宵衾無復金屋念豈照長門心 長門
怨

汀州采白蘋日落江南春洞庭有歸客瀟湘逢故人故
人何不返春華復應晚不道新知樂且言行路遠 江

南曲

城南斷車騎閣道覆清埃露華光翠網月影入蘭臺洞
房且莫掩應門或復開颺颺秋桂響非君起夜來起

夜來

黛馬秋不歸縑紉無復緒迎寒理夜縫映月搗纖縷的
皦愁睇光連娟思眉聚清露下羅衣秋風吹玉柱流陰
稍已多餘光欲難取七夕穿針

照日汀州際搖風綠潭側雖無獨繭輕幸有青袍色羅
袖少輕塵象牀多麗飾願君蘭夜飲佳人時宴息詠

席

江洪四首

寶鑷間珠花分明靚莊點薄鬢約微黃輕紅澹鉛臉發
言芳已馳復加蘭蕙染浮聲易傷歎沈唱安而險孤轉
忽徘徊雙蛾乍舒斂不持全示人半用輕紗掩 詠歌

姬

腰纖蔑楚媛體輕非趙姬映袵閑寶粟綠肘挂珠絲發
袖已成態動足復含姿斜睛若不眇當轉復遲疑何慙

雲鶴起詎減鳳鸞時 舞女

雜彩何足竒惟紅偏作可灼爍類藻開輕明似霞破鏤
質卷芳脂栽花承百和且傳別離心復是相思裏不值
情幸人豈識風流座 詠紅箋

當戶種薔薇枝葉太葳蕤不搖香已亂無風花自飛春
閨不能靜開匣對明妃曲池浮采采斜岸列依依或聞
好音度時見銜泥歸且對清觴湛其餘任是非 詠薔

薇

高爽一首

初上鳳皇墀此鏡照蛾眉言照長相守不照長相思虛
心會不采貞明空自欺無言故此物更復對新期 詠

鏡

鮑子卿二首

細絲本自輕弱彩何足眇直為發紅顏謬成握中扇乍
奉長門泣時承相梁宴思莊開已掩歌容隱而見但畫
雙黃鶴莫作孤飛燕 詠畫扇

玉階已夸麗復得臨紫微北戶接翠幄南路低金扉重
疊通日影參差藏月輝輕苔染珠履微澱拂羅衣獨笑
崑山曲空見青鳧飛 詠玉階

何子朗三首

桂臺清霞拂銅陛落花沾美人紅妝罷攀鉤卷細簾思
君擊促織玉指何纖纖未應為此別無故坐相嫌 學

謝體

美人弄白日灼灼當春牖清鏡對蛾眉新花映玉手燕

下拾池泥風來吹細柳君子何時歸與我酌尊酒
和
虞記室騫古意

清夜未云疲細簾聊可發玲玲玉潭水映見蛾眉月
靡露方垂輝輝光稍沒佳人復千里餘影徒揮忽
和
繆郎視月

范靖婦四首

珠華縈翡翠寶葉間金瓊剪荷不似製為花如自生
低
枝拂繡領微步動瑤瑛但令雲髻挿蛾眉本易成
詠

步搖花

明珠翠羽帳金薄綠綃帷因風時整舉象見芳姿清
晨揜步搖向晚解羅衣託意風流子佳情詎肯私 戲
蕭孃

可憐潤霜質纖剖復毫分織作回風苴製為縈綺文含
芳出珠被曜彩接緗屨徒嗟金麗飾豈念昔凌雲 詠
五彩竹火籠

綺筵日已暮羅帷月未歸開花散鵲彩含光出九微風

軒動丹焰冰宇澹清暉不吝輕蛾繞惟恐曉蠅飛
詠

銜

何遜十一首

溢城帶溢水溢水縈如帶日夕望高城耿耿青雲外城
中多宴賞絲竹常繁會管聲已流恍弦聲復悽切歌黛
慘如愁舞腰疑欲絕仲秋黃葉下長風正騷屑早鴈出
雲歸故燕辭檐別畫悲在異縣夜夢還洛汭洛汭何悠
悠起望登西樓的的颿向浦團團日隱州誰能一羽化

輕舉逐飛浮 日夕望江贈魚司馬

城東美少年重身輕萬億
柘彈隨珠九白馬黃金飾長
安九達上青槐蔭道植較擊晨已喧肩排暗不息走狗
通西望牽牛亘南直相期百戲傍去來三市側象牀沓
繡被玉盤傳綺食倡女掩扇歌小婦開簾織相看獨隱
笑見人還斂色黃鶴悲故羣山枝詠初識烏飛過客盡
雀聚行龍匿酌羽前厭厭此時歡未極 擬輕薄篇
珠簾旦初捲綺機朝未織玉匣開鑿形寶臺臨淨飾對

影獨含笑看花空轉側聊為出繭眉試染天桃色羽釵
如可閒金鈿長相逼蕩子行未歸曉妝坐霑臆 詠照

鏡

曉河沒高棟斜月半空庭窓中度落葉簾外隔飛螢含
情下翠帳掩涕閉金屏昔期今未反春草寒復青思君
無轉易何異北辰星 閨怨

僊車駐七襄鳳駕出天潢月映九微火風吹百和香來
歡斲巧笑還淚已曉妝依稀猶洛汭倏忽似高唐別離

不得見河漢漸湯湯 詠七夕

管清羅薦合弦驚雪袖遲逐唱回纖手聽曲動蛾眉凝
睛盼墮珥微睇託含辭日暮留嘉客相看愛此時 詠

舞妓

霧夕蓮出水霞朝日照梁何如花燭夜輕扇掩紅妝良
人復灼灼席上自生光所悲高駕動環珮出長廊 看
新婦

皎皎高樓暮華燭帳前明羅帷雀釵影寶瑟鳳鶯聲夜

集賢堂
卷五
花枝上發新月霧中生誰念當窻牖相望獨盈盈
詠
倡家

可憐雙白鷗朝夕水上游何言異棲息雌住雄不留孤
飛出嶼浦獨宿下滄州東西從此去影響絕無由
詠

白鷗嘲別者

春園日應好折花望遠道秋夜苦復長抱枕向空牀吹
樓下促節不言於此別歌筵掩團扇何時一相見弦絕
猶依軫葉落裁下枝即此雖云別方我未成離
學青

青河邊草

房櫳滅夜火，窻戶映朝光。
妖女褰帷出，蹀躞初下牀。
雀釵橫曉鬢，蛾眉豔宿妝。
稍聞玉環遠，猶憐翠被香。
寧知早朝客，差池已鴈行。
朝劉孝綽

王樞三首

朝取飢蠶食，夜縫千里衣。
復聞南陌上，日暮采蓮歸。
青苔覆寒井，紅藥間青微。
人生樂自極，良時徒見違。
何由及新燕，雙雙還共飛。
古意應蕭信武教

遙見提筐下，翩妍實端妙。將去復回身，欲語先為笑。閨中初別離，不許覓新知。空結茱萸帶，敢報木蘭枝。至烏林村見采桑者聊以贈之

紅蓮披白露，玉貌映朝霞。飛燕曉妝罷，顧步插餘花。溘巾金鈿滿，參差繡領斜。暮還垂瑤帳，香鐙照九華。徐尚書座賦得可憐

庾丹二首

耿耿橫天漢，飄飄出岫雲。月斜樹倒影，風至水回文。已

泣機中婦復悲牀上君羅襦曉長襲翠被夜徒薰空汲
銀牀井誰縫金縷屨所思竟不至空持清夜分 秋閨

有望

歸飛夢所憶共子汲寒漿銅瓶素絲綆綺井白銀牀雀
出丰茸樹蟲飛瑁梁離人不相見難忍對春光 夜
夢還家

人
五
下
七
八
八
二

卷五



玉臺新詠卷五

欽定四庫全書

集部
玉臺新詠卷八
六至

詳校官中書臣陸 湘

助教臣常循覆勘

總校官降調編修臣 倉聖脉

校對官編修臣 勵守謙

謄錄監生臣 李經盛

欽定四庫全書

玉臺新詠卷六

陳 徐陵 撰

吳均二十首

王僧孺一十七首

張率擬樂府三首

徐悱詩二首

費昶一十首

姚翻同郭侍郎采桑一首

孔翁歸和湘東王班姬一首

徐悱妻劉令嫺答外二首

何思澄三首

徐悱答唐孀七夕所穿針一首

吳均二十首

賤妾思不堪采桑渭城南帶減連枝繡髮亂鳳皇簪花舞
衣裳薄蛾飛愛綠潭無由報君子流涕向春蠶

其一妾本倡

家女出入魏王宮既得承瑁輦亦在更衣中蓮花銜青雀

寶粟鈿金蟲猶言不得意流涕憶遼東

其二

春草攏可結妾

心正斷絕綠鬢愁中改紅顏嗙裏減非獨淚成珠亦見

珠成血願為飛鵲鏡翩翩照離別

其三

何處報君書隴右

五岐路淚研兔枝墨筆染鵝毛素碧浮孟渚水香下洞

庭路應歸遂不歸芳春空擲度

其四

妾家橫塘北發艷小

長干花釵玉腕轉珠繩金絡九罍麗懸青鳳逶迤搖白

團誰堪久見此含恨不相看

其五

匈奴數欲盡僕在玉門

闌蓮花穿劍鏑秋月掩刀環春機鳴窈窕夏鳥思絲蠻

中人坐相望狂夫終未還

其六

和蕭洗馬子顯古意六首

黃鸝飛上苑綠芷出汀洲日映昆明水春生鳩鵲樓飄
颺白花舞瀾漫紫萍流畫織回文錦無因寄隴頭思君
甚瓊樹不見方離憂

鳴鞭適大阿聯翩渡漳河燕姬及趙女扶瑟夜經過織
腰曳廣袖半額畫長蛾客本倦遊者箕帚在江沱故人
不可棄新知空復何

離君苦無樂向暮心悽悽要途訪趙使聞君仕執珪杜
蘅色已發菖蒲葉未齊罽毼弭瀚差池鶯吐泥願逐
春風去飄蕩至遼西

白日隱城樓勁風掃寒木離析隔西東執手異涼燠相
思咽不言洞房清且肅歲去甚流煙年來如轉軸別鶴
千里飛孤雌夜未宿

閨房宿已靜落月有餘暉寒蟲隱壁思秋蛾繞燭飛絕
雲斷更合離禽去復歸佳人今何在迢遞江之湄一為

別鶴弄千里淚霑衣

秋雲靜晚天寒夜方綿綿聞君吹急管相思雜采蓮別
離未幾日高月三成弦踈疊黃河浪嘶喝隴頭蟬寄君
蘼蕪葉插著叢臺邊 與柳惲相贈答六首

嫋嫋陌上桑蔭陌復垂塘長條映白日細葉隱鸝黃蠶
飽妾復思拭淚且提筐故人寧知此離恨煎人腸 陌
上桑

咸陽春草芳秦帝卷衣裳玉檢茱萸匣金泥蘇合香初芳

薰複帳餘暉曜玉牀當須宴朝罷持此贈華陽 秦王

卷衣

錦帶雜花鈿羅衣垂綠川問子今何去出采江南蓮
蓮西三千里欲寄無因緣願君早旋反及此荷花鮮 采

蓮

艷裔陽之春攜手清洛濱鷄鳴上林苑薄暮小平津長
裾藻白日廣袖帶芳塵故交一如此新知詎憶人 攜

手擬古四首

一鷺海上來一鷺高臺息一朝所逢遇依然舊相識問
我來何遲關山幾迂直答言海路長風多飛無力昔別
縫羅衣春風初入帷今來夏欲晚桑蛾薄樹飛 贈杜

容成一首

春從何處來拂衣復驚梅雲障青瑣闥風吹承露臺美
人隔千里羅幃閉不開無由得共語空對相思栝 春
詠

棄妾在河橋相思復相遼鳳簪落鬢蓮花帶緩腰腸

從別處斷貌在淚中消願君憶疇昔片言時見饒去
妾贈前夫

董生惟巧笑子都信美目百萬市一言千金買相逐不
道參差菜誰論窈窕淑願君捧繡被來就越人宿 詠
少年

王僧孺一十七首

四時如湍水飛奔競回復夜鳥響嚶嚶朝光照煜煜厭
見花成子多看筍為竹萬里斷音書十載異棲宿積愁

落芳鬢長嘯壞美目君去在榆關妾留住函谷惟對莫
邪房如見蜘蛛屋獨與響相酬還將影自逐象牀易種
簾羅衣變單複幾過度風霜猶能保梵獨 春怨

二八人如花三五月如鏡開簾一種色當戶兩相映重
價出秦韓高名入燕鄭十城屢請易千金幾爭聘君意
自能專妾心本無競 月夜詠陳南康新有所納

久想專房麗未見傾城者千金訪繁華一朝遇容冶家
本薊門外來戲叢臺下長卿幸未匹文君復新寡 見

貴者初迎盛姬聊為之詠

洞房風已激長廊月復清
藹藹夜庭廣飄飄曉帳輕
雜聞百蟲思偏傷一息聲
鳥聲長不息妾心復何極
猶恐君無衣夜夜當窓織
與司馬治書同聞隣婦夜織

欄露滴為珠池冰合成壁
萬行朝淚瀉千里夜愁極
孤帳閉不開寒膏盡復益
誰知心眼亂看朱忽成碧
夜愁

愁來不理鬢春至更攢眉
悲看蛺蝶粉泣望蜘蛛
絲月

映寒蛩褥風吹翡翠帷飛鱗難託意馭翼不銜辭
春
閨有怨

足傷金管處多愴緹光促下機驚西眺鳴砧遠東旭芳
汗似蘭湯雕金辟龍燭散度廣陵音操寫漁陽曲別鶴
悲不已離鸞斷更續尺素在魚腸寸心憑鴈足 擣衣
已知想成夢未信夢如此皎皎無片非的一皆是以
親芙蓉褥方開合歡被雅步極媽妍含辭恣委靡如言
非倏忽不意成俄爾及寤盡空無方知悉虛詭 為人

述夢

羸女鳳凰樓漢姬柏梁殿詎勝仙將死音容猶可見我
有一心人同鄉不異縣異縣不成隔同鄉更脈脈脈脈
如牛女無妨年一語 為人傷近不見

出戶望蘭薰褰簾正逢君斂容纔一訪新知詎可聞新
人含笑近故人含淚隱妾意在寒松君心逐朝槿 為
何庫部舊姬擬薜蘿之句

窈窕宋容華但歌有清曲轉盼非無以斜扇還相矚詎

減許飛瓊多勝劉碧玉何因送款款伴飲栝中醪
在
王晉安酒席散韻

碧玉與綠珠張盧復雙女曼聲古難匹長袂世無侶似
出鳳凰樓言發瀟湘渚幸有褰裳便含情寄一語為
人有贈

寒樹棲羈雌月映風復吹逐臣與棄妾零落心可知寶
琴徒七絃蘭鐙空百枝顰容不足效曉妝拭復垂同衾
成楚越異國非仳離何生姬人有怨

夜風吹熳熳朝光照莫邪幾銷靡蕪葉空落蒲桃花不
堪長織素誰能獨浣紗光陰復何極望促反成賒知君
自蕩子柰妾亦倡家 鼓瑟曲 有所思

可憐獨立樹枝輕根易搖已為露所浥復為風所飄錦
衾襞不臥端坐夜及朝是妾愁成瘦非君重細腰 為
人寵姬有怨

自知心裏恨還向影中羞回持昔慊慊變作今悠悠還
君與妾珥歸妾奉君裘絃斷猶可續心去最難留 為

人自傷

斜光隱西壁暮鵲上南枝風來秋扇屏月出夜鐙吹深
心起百際遙淚非一垂徒勞妾辛苦終言君不知 秋
閨怨

張率擬樂府三首

相逢夕陰階獨趨尚冠里高門既如一甲第復相似憑
軾日欲昏何處訪公子公子之所在所在良易知青樓
出上路漸臺臨曲池堂上撫流徽雷尊朝夕施橘柚芬

華實朱火燎金枝兄弟兩三人裾珮紛陸離朝從禁中
出車騎並驅馳金鞍瑪瑙勒聚觀路傍兒入門一顧望
鳧鵠有雄雌雄雌各數千相鳴戲羽儀並在東西立羣
次何離離大婦刺方領中婦抱嬰兒小婦尚嬌稚端坐
吹參差丈人無遽起神鳳且來儀相逢行

對酒誠可樂此酒復能醇如華良可貴如乳更非珍何
以留上客為寄掌中人金尊清復滿玉盃亟來親誰能
共遲暮對酒及芳晨君歌當未罷却坐避梁塵對酒

遠期終不歸節物坐將變白露愴單棲秋風息團扇誰
能久離別他鄉且異縣浮雲蔽重山相望何時見寄言
遠行者空閨淚如霰 遠期

徐悱詩二首

日暮想清陽躡履出椒房網蟲生錦薦遊塵掩玉牀不
見可憐影空餘黼帳香彼美情多樂挾瑟坐高堂豈忘
離憂者向隅心獨傷聊因一書札以代九回腸 贈內
相思上北閣徙倚望東家忽有當軒樹兼含映日花方

鮮類紅粉比素若鉛華更使增心憶彌令想狹斜無如
一路阻岷岷似雲霞嚴城不可越言折代踈麻 對房
前桃樹詠佳期贈內

費昶一十首

閭闔下重關丹墀吐明月秋氣城中冷秋砧城外發浮
聲繞雀臺飄響度龍闕婉轉何藏摧當從上路來藏摧
意未已定自乘軒裏乘軒盡世家佳麗似朝霞圓瑤耳
上照方繡領間斜衣薰百和屑鬢搖九枝花昨暮庭槐

落今朝羅綺薄拂席卷鴛鴦開縵舒龜鶴金波正容與
玉步依砧杵紅袖往還縈素腕參差舉徒聞不得見獨
夜空愁佇獨夜何窮極懷之在心側階垂玉衡露庭舞
相風翼瀝滴流星輝燦爛長河色三冬誠足用五日無
糧食揚雲已寂寥今君復弦直 華觀省中夜聞城外
擣衣

芳樹發春暉蔡子望青衣水逐桃花去春隨楊柳歸楊
柳何時歸裊裊復依依已蔭章臺陌復掃長門扉獨知

離心者坐惜春光遠洛陽遠如日何由見宓妃
和蕭
記室春旦有所思

芳郊拾翠人回袖掩芳春金輝起步搖紅彩發吹綸湯
湯蓋頂日飄飄馬足塵薄暮高樓下當知妾姓秦
春
郊望美人

晨暉照杏梁飛鷺起朝妝留心散廣黛輕手約花黃正
釵時念影拂絮且憐香方嫌翠色故乍道玉無光城中
皆半額非妾畫眉長
詠照鏡

日淨班姬門風輕董賢館卷耳緣階出反舌登牆喚蠶
女桂枝鉤遊童蘇合彈拂袖當留客相逢莫相難 陽
春發和氣

佳人在河內征夫鎮馬邑零露一朝團中夜兩垂泣氣
爽牀帳冷天寒針縷澀紅顏本暫時君還詎相及 秋
夜涼風起 和蕭洗馬畫屏風二首

妾家五湖口采菱五湖側玉面不關妝雙眉本翠色日
斜天欲暮風生浪未息宛在水中央空作兩相憶 采菱

向夕千愁起自悔何嗟及愁思且歸牀羅襦方掩泣絳
樹搖風軟黃鳥弄聲急金屋貯嬌時不言君不入長
門后怨

巫山光欲晚陽臺色依依彼美巖之曲寧知心是非朝雲
觸石起暮雨潤羅衣願解千金珮請逐大王歸巫山高
上林烏欲棲長安日行暮所思鬱不見空想丹墀步簾
動憶君來雷聲似車度北方佳麗子窈窕能回顧夫君
自迷惑非為妾心妬有所思鼓吹曲二首

姚翻詩一首

鴈還高柳北春歸洛水南日照茱萸領風搖翡翠蓼桑
間視欲暮閨裏遽饑蠶相思君助取相望妾那堪 同
郭侍郎采桑

孔翁歸詩一首

長門與長信日暮九重空雷聲聽隱隱車響絕瓏瓏恩
光隨妙舞團扇逐秋風鉛華誰不慕人意自難終 奉
和湘東王教班婕妤

徐悱妻劉令嫺詩二首

花庭麗景斜
蘭牖輕風度
落日更新妝
開簾對春樹
鳴鸝葉中響
戲蝶枝邊驚
調瑟本要歡
心愁不成趣
良會誠非遠
佳期今不遇
欲知幽怨多
春閨深且暮
答外東家挺竒麗
南國擅容輝
夜月方神女
朝霞喻洛妃
還看鏡中色
比艷自知非
摘辭徒妙好
連類頓乖違
智夫雖已麗
傾城未敢希
同前

何思澄三首

寂寂長信晚雀聲
哦洞房蜘蛛網
高閣駁蘚被長廊
虛殿簾帷靜閒階
花藥香悠悠視日暮
還復拂空牀
奉和湘東王教班婕妤

故交不可忘
猶如蘭桂芳
新知雖可悅
不異茱萸香
妾有鳳鸞曲
非為陌上桑
薦君君不御
抱瑟自悲涼
擬古

洛浦疑回雪
巫山似旦雲
傾城今始見
傾國昔曾聞
媚服隨嬌合
丹唇逐笑分
風卷蒲萄帶
日照石榴裙
自有

狂夫在空持勞使君 南苑逢美人

徐悱一首

倡人助漢女靚妝臨月華連針學竝蒂紫縷作開花嬌
閨絕綺羅攬贈自傷嗟雖言未相識聞道出良家曾傳
霍君騎經過柳惠車無由一共語暫看日昇霞 答唐
孀七夕所穿針

玉臺新詠卷六

欽定四庫全書

玉臺新詠卷七

陳 徐陵 撰

梁武帝詩十四首

梁簡文帝詩四十三首

邵陵王綸詩三首

湘東王繹詩七首

武陵王紀詩四首

梁武帝詩十四首

駕言易水北送別河之陽沈思慘行鑣結夢在空牀既寤丹綠
謬始知紉素傷中州木葉下邊城應早霜陰蟲日慘烈庭草復
云黃冷風但清夜明月懸洞房嫋嫋同宮女助我理衣裳參差
夕杵引哀怨秋砧揚輕羅飛玉腕弱翠低紅妝朱顏色已與晒
睇目增光擣以一匪石文成雙駕鴛制握斷金刀薰用如蘭芳
佳期久不歸持此寄寒鄉妾身誰為容思君苦人腸 擣衣
洛陽有曲陌陌曲不通驛忽逢二少童扶轡問君宅君

宅邯鄲右易憶復可知大息組緼細中息珮陸離小息
尚青綺總州遊南皮三息俱入門家臣拜門垂三息俱
升堂旨酒盈千卮三息俱入戶戶內有光儀大婦理金
翠中婦事么觴小婦獨閒暇調笙遊曲池丈人少徘徊
鳳吹方參差 擬長安有狹斜十韻

圓魄當虛闥清光流思筵筵思照孤影悽怨還自憐臺
鏡早生塵匣琴又無絃悲慕屢傷節離憂亟華年君如
東博景妾似西柳煙相去旣路迴明晦亦殊懸願為銅

鐵轡以感長樂前 擬明月照高樓

幕幕繡戶絲悠悠懷昔期昔期久不歸鄉國曠音輝音
輝空結遲半寢覺如至既寤了無形與君隔平生月以
雲掩光葉以霜摧老當途競自容莫肯為妾道 擬青

青河邊草

良人與我期不謂當過時秋風忽送節白露凝前基愴
愴獨涼枕搔搔孤月帷或聽西北鴈似從寒海澗果銜
萬里書中有生離詞惟言長別矣不復道相思胡羊久

剽奪漢節故支持帛上看未終臉下淚如絲空懷之死
誓遠勞同穴詩 代蘇屬國婦

飛鳥起離離驚散忽差池嗷嘈繞樹上翩翻集寒枝既
悲征役久偏傷壘上兒寄言閨中愛此心詎能知不見
松上蘿葉落根不移

當春有一草綠花復重枝云是忘憂物生在北堂垂飛
飛雙蛺蝶低低兩差池差池低復起此芳性不移飛蝶
雙復隻此心人莫知 古意二首

綠樹始搖芳芳生非一葉一葉度春風芳芳自相接色
雜亂參差衆花紛重疊重疊不可思思此誰能愜芳
樹

高臺半行雲望望高不極草樹無參差山河同一色髣
髴洛陽道道遠難別識玉階故情人情來共相憶臨
高臺

誰言生離久適意與君別衣上芳猶在握裏書未減腰
中雙綺帶夢為同心結常恐所思露瑤華未忍折有

所思

種蘭玉臺下氣暖蘭始萌芬芳與時發婉轉迎節生獨
使金翠嬌偏動紅綺情二遊何足壞一顧非傾城羞將
苓芝侶豈畏鷓鴣鳴紫蘭始萌

送別出南軒離思沈幽室調梭輟寒夜鳴機罷秋日良
人在萬里誰與共成匹願得一回光照此憂與疾君情
儻未忘妾心長自畢織婦

白露月下圓秋風枝上鮮瑤臺函碧霧瓊幕生紫煙妙

會非綺節佳期乃良年玉壺承夜急蘭膏依曉煎昔時
悲難越今傷何易旋怨咽雙念斷悽草兩情懸 七夕
宓妃生洛浦遊女出漢陽妖閑逾下蔡神妙絕高唐繇
駒且變俗王豹復移鄉况茲集靈異豈得無方將長袂
必留客清哇咸繞梁燕趙羞容止西妲慙芬芳徒聞珠
可弄定自乏明璫 戲作

梁簡文帝詩四十三首

凌晨光景麗倡女鳳樓中前瞻削成小傍望卷旌空分

妝開淺靨繞臉傅斜紅張琴未調軫飲吹不全終自知
心所愛出入仕秦宮誰言連伊屈更是莫教通輕軛綴
皂蓋飛轡轆雲驄金鞍隨繫尾銜瑣映纏駿戈鏤荆山
玉劍飾丹陽銅左把蘇合彈傍持大屈弓控弦因鵲血
挽強用牛螭弋獵多登隴酣歌每入豐暉暉隱落日冉
冉還房櫳鐙生陽燧火塵散鯉魚風流蘇時下帳象簟
復韜筒霧暗窻前柳寒踈井上桐女蘿託松際甘瓜蔓
井東拳拳持君寵歲暮望無窮 艷歌篇十八韻

銅梁指斜谷，劔道望中區。
通星上分野，作固為下都。
雅歌因良守，妙舞自巴渝。
陽城嬉樂所，劔騎鬱相趨。
五婦行難至，百兩好游娛。
牲祈望帝祀，酒酌蜀侯誅。
江妃納重聘，卓女受將鷄。
停弦時繫爪，息吹更治朱。
春衫渝錦浪，回扇避陽烏。
聞君握節反，賤妾下城隅。
蜀國絃歌

篇十韻

名都多麗質，本自恃容姿。
蕩子行未至，秋胡無定期。
玉貌歇紅臉，長顰串翠眉。
歛鏡迷朝色，縫針脆故絲。
本異

搖舟咎何關竊席疑生離誰撫背溘死詎成遲毛嫱貌
本絕踉蹌入羶帷盧姬嫁日晚非復好年時傳山猶可
逐烏白望難期妾心徒自苦傍人會見嗤 妾薄命篇

十韻 樂府三首

遙看雲霧中刻桷映丹紅珠簾通曉日金花拂夜風欲
知聲管處來過安樂宮 新成安樂宮

季月雙桐井新枝雜舊株晚葉藏棲鳳朝花拂曙烏還
看西子照銀牀牽鹿盧 雙桐生空井

閨閉漏永永漏長宵寂寂草螢飛夜戶絲蟲繞秋壁薄
笑未為欣微歎還成戚金簪鬢下垂玉箸衣前滴 楚
妃歎 代樂府三首

洛陽佳麗所大道滿春光遊童初挾彈蠶妾始提筐金
鞍照龍馬羅袂拂春桑玉車爭晚入潘果溢高箱 洛
陽道

楊柳亂成絲攀折上春時葉密鳥飛礙風輕花落遲城
高短簫發林空畫角悲曲中無別意併為久相思 折

楊柳

賤妾朝下機正值良人歸青絲懸玉磴朱汗染香衣驟
急珍珂響跡多塵亂飛雕胡幸可薦故心君莫違 紫

騶馬

和湘東王橫吹曲三首

南湖荷葉浮復有佳期遊銀綸翡翠釣玉舳芙蓉舟荷
香亂衣麝撓聲隨急流 南湖

岸陰垂柳葉平湖含粉堞好值城傍人多逢蕩舟妾綠
水濺長袖浮苔染輕楫 北渚

宜城斷中道行旅亟流連山妻工織素妖姬慣數錢吹
彫留上客賞酒逐神仙 大隄 雍州十曲抄三首

采蓮前岸隈舟子屢徘徊荷披衣可識風疎香不來欲
知船渡處當看荷葉開 蓮舟買荷度

相隨照綠水意欲重涼風流搖妝影壞釵落鬢華空佳
期在何許徒傷心不同 照流看落釵 同庾肩吾四

詠二首

花樹含春叢羅幃夜長空風聲隨篠韻月色與池同彩

箋徒自襞無信往雲中
春宵

冬朝日照梁含怨下前牀
帳寒竹葉帶鏡轉
菱花光會
是無人見何用早紅妝
冬曉
和湘東王三韻二首
雜蕊映南庭
中光景媚可憐
枝上花早得春風意
春風復有情
拂幔且開楹
開碧煙拂幔
拂垂蓮偏使
紅花散飄颺
落眼前
眼亦多無況
參差鬱可望
珠繩翡翠帷
綺幕芙蓉帳
香煙出窻裏
落日斜階上
日影去遲遲
節華咸在茲
桃花紅若點
柳葉亂如絲
絲條轉暮光

影落暮陰長春鶯雙雙舞春心處處傷酒滿心聊足萱
枝愁不忘 戲作謝惠連體十三韻

綺窓臨畫閣飛閣繞長廊風散同心草月送可憐光髻
鬢簾中出妖麗特非常恥學秦羅髻羞為樓上妝散誕
披紅帔生情新約黃斜鐙入錦帳微煙出玉牀六安雙
瑤琯八幅兩鴛鴦猶是別時許留致解心傷含涕坐度
日俄頃變炎涼玉關驅夜雪金氣落嚴霜飛狐驛使斷
交河川路長蕩子無消息朱唇徒自香 倡婦怨情十

二韻

密房寒日晚落照度窓邊紅簾遙不隔輕帷半卷懸方
知織手製詎減縫裳妍龍刀橫膝上畫尺墮衣前熨斗
金塗色簪管白牙纏衣裁合歡禡文作鴛鴦連縫用雙
針縷絮是八蠶綿香和麗邱蜜麝吐中臺烟已入琉璃
帳兼雜太華氈且共雕鑪暖非同團扇捐更恐從軍別
空牀徒自憐 和徐錄事見內人作臥具

麗姐與妖嬈共拂可憐妝同安鬟裏撥異作額間黃羅

裙宜細簡畫屨重高牆含羞未上砌微笑出長廊取花
爭閒鑷攀枝念蕊香但歌聊一曲鳴絃未息張自矜心
所愛三十侍中郎 戲贈麗人

非關長信別詎是良人征九重忽不見萬恨滿心生夕
門掩魚鑰宵牀悲畫屏迴月臨窻度吟蟲繞砌鳴初霜
賈細葉秋風驅亂螢故妝猶累日新衣襞未成欲知妾
不寐城外擣衣聲 秋閨夜思

美人稱絕世麗色譬花叢雖居李城北住在宋家東教

歌公主第學舞漢成宮多遊淇水上好在鳳樓中履高
疑上砌裾開持畏風衫輕見跳脫珠櫬雜青蟲垂絲繞
帷幔落日度房櫺妝窓隔柳色井水照桃紅非憐江浦
珮羞使春閨空 和湘東王名士悅傾城

漢渚水初綠江南草復黃日照蒲心暖風吹梅蕊香征
艫艤湯塹歸騎息金隍舞觀衣常襞歌臺絃未張持此
橫行去誰念守空牀 從頤豐還城

昔時嬌玉步含羞花燭邊豈言心愛斷銜唬私自憐常

見歡成怨非關醜易妍獨鵠罷中路孤鸞死鏡前
詠
人棄妾

舞女及燕姬倡樓復蕩婦參差大戾發搖曳小垂手釣
竿蜀國彈新城折楊柳玉案西王桃蠹栝石榴酒甲乙
羅帳異辛壬房戶暉夜夜有明月時時憐更衣 執筆

戲書

雲楣桂成戶飛棟杏為梁斜窓通蕊氣細隙引塵光裁
衣魏后尺汲水淮南牀青驪暮當反預使羅裙香 艷

歌曲

秋風與白團本自不相安新人及故愛意氣豈能寬黃
金肘後鈴白玉案前盤誰堪空對此還成無歲寒 怨
靄靄夜中霜何關向曉光枕曉常帶粉身眠不著牀蘭
膏盡更益薰鑪滅復香但問愁多少便知夜短長 擬
沈隱侯夜夜曲

秋期此時浹長夜徙河靈紫烟凌鳳羽奔光隨玉輶洛
陽疑劍氣成都怪客星天梭織來久方逢今夜停 七

夕

晚霰飛銀礫浮雲暗未開入池消不積因風墜復來思
婦流黃素溫姬玉鏡臺看花言可挿定自非春梅 同
劉詒議詠春雪

細樹含殘影春閨散晚香輕花鬢邊墮微汗粉中光飛
鳧初罷曲唳烏忽度行羞令白日暮車馬鬱相望 晚
景出行

垂手忽蒼蒼飛鷺掌中嬌羅衣恣風引輕帶任情搖詎

似長沙地促舞不回腰
賦樂府得大垂手

換遲初挑吹弄急時催舞
釧響逐弦鳴私回半障柱欲
知心不平君看黛眉聚
賦樂器名得篳篥

可憐初二八逐節似飛鴻
懸勝河陽妓閣與淮南同入
行看履進轉面望鬟空
腕動苔華玉袖隨如意
風上客何須起
唬烏曲未終
詠舞

楊柳葉纖纖佳人嬾織
練正衣還向鏡迎春
試舉簾摘梅多繞樹
覓鷺好窺檐只言逐
花草計校應非嫌
春

閨情

珠簾向暮下妖姿不可追
花風暗裏覺蘭燭帳中飛
何時玉窓裏夜夜更縫衣
又三韻

借問仙將畫詎有此佳人傾城且傾國
如雨復如神漢后憐名驚周王重姓申
挾瑟曾遊趙吹簫屢入秦
玉階偏望樹長廊每逐春約黃
出意巧纏弦用法新
迎風時引袖避日暫披巾
疎花映鬢挿細珮繞衫身
誰知日欲暮含羞不自陳
率爾為詠

北窓向朝鏡錦帳復斜縈嬌羞不肯出猶言妝未成散
黛隨眉廣燕脂逐臉生試將持出衆定得可憐名 美
人晨妝

十五正團團流光滿上闌當鑪設夜酒宿客解金鞍迎
來挾瑟易送別但歌難詎知心恨急翻令衣帶寬 賦
得詠當鑪

炎光向夕斂促宴臨前池泉深影相得花與面相宜簾
聲如鳥哢舞袂寫風枝歡樂不知醉千秋長若斯 林

下妓

杏梁斜日照餘暉，映美人開函脫寶釧。
向鏡理紈巾，游魚動池葉舞鶴散階塵。
空嗟千歲久，願得及陽春。擬落日窻中坐。

殿上圖神女宮裏出佳人，可憐俱是畫誰能。
辨偽真分明淨眉眼，一種細腰身所可持。
為異長有好精神，美人觀畫。

嬾童嬌麗質賤董復超瑕羽帳晨香滿珠簾夕漏賒翠

被含駕色雕牀鏤象牙妙年同小史妹貌比朝霞袖裁
連璧錦箋織細檀花攬袴輕紅出回頭雙鬢斜嬾眼時
含笑玉手乍攀花懷猜非後釣密愛似前車足使燕姬
妒彌令鄭女嗟 變童

邵陵王綸詩三首

蕩子從遊宦思妾守房櫳塵鏡朝朝掩寒牀夜夜空若
非新有悅何事久西東知人相憶否淚盡夢曠中 代

秋胡婦閨怨

關情出睂眼軟媚著腰支語笑能嬌媚行步絕逶迤空
中自迷惑渠傍會不知懸念猶如此得時應若為車
中見美人

寧為萬里別乍此死生離那堪眼前見故愛逐新移未
展春光落遽被秋風吹怨黛舒還歛曉妝拭更垂誰能
巧為賦黃金妾自貧代舊姬有怨

湘東王繹詩七首

高樓三五夜流影入丹墀先時留上客夫婿美容姿妝

成理蟬鬢笑罷斂娥眉
衣香知步近釧動覺行遲
如何舞館樂翻見歌梁悲
猶懸北窻櫺未卷南軒帷
寂寂空郊暮非復少年時
登顏園故閣

入堂值小婦出門逢
故夫含辭未及吐
絞袖且峙嶮搖
茲扇似月掩此淚如珠
今懷固無已
故情今有餘
戲

作艷詩

燭暗行人靜
簾開雲影入
風細雨聲遲
夜短更籌急
能下班姬淚
復使倡樓泣
况此客遊人
中宵空佇立
夜

遊栢齋

新鶯隱葉囀新鶯向窻飛
柳絮時依酒梅花乍入衣
玉珂逐風度金鞍映日暉
無令春色晚獨望行人歸
和

劉上黃

日暮連翩翼俱向上林棲
風多前歸駛雲暗後羣迷路
遠聲難徹飛斜行未齊
應從故鄉返幾過入蘭閨
借問倡樓妾何如蕩子妻
詠晚棲鳥

烏鵲夜南飛良人行未歸
池水浮明月寒風送擣衣
願

織回文錦因君寄武威 寒宵三韻

秋夜九重空蕩子怨房櫳
光入綺帷簾影進屏風
金徽調玉軫茲夜撫離鴻
詠秋夜

武陵王紀詩四首

燕姬奏妙舞鄭女發清歌
回羞出慢臉送態入嚙蛾
寧殊值行雨詎減見凌波
想君愁日暮應羨魯陽戈
同
蕭長史看妓

昨夜夢君歸賤妾下鳴機
懸知君意薄不著去時衣
故

言如夢裏賴得雁書飛
和湘東王夜夢應令

晨禽爭學轉朝花
亂欲開鑪烟入斗帳
屏風隱鏡臺紅
妝隨淚盡蕩子何時回
曉思

飲色金星聚縈悲玉筋
流願君看海氣憶安上高樓
閨妾寄征人

玉臺新詠卷七

欽定四庫全書

玉臺新詠卷八

陳 徐陵 撰

蕭子顯樂府二首

王筠和吳主簿六首

劉孝綽雜詩五首

劉遵雜詩二首

王訓奉和率爾有詠一首

庾肩吾雜詩七首

劉孝威雜詩三首

徐君膺雜詩二首

鮑泉雜詩二首

劉綏雜詩四首

鄧鏗雜詩二首

甄固奉和世子春情一首

庾信雜詩三首

劉邈雜詩四首

紀少瑜雜詩三首

聞人舊春日一首

徐孝穆雜詩四首

吳孜雜詩一首

湯僧濟雜詩一首

徐悱妻雜詩一首

王叔英妻雜詩一首

蕭子顯樂府二首

大明上苞苞陽城射凌霄光照窓中婦絕世同阿嬌明鏡盤龍
刻簪羽鳳皇雕逶迤梁家髻冉冉弱楚宮腰輕紈雜重錦薄縠間
飛綃三六前年暮四五今年朝蠶園拾芳繭桑陌采柔條出入
東城里上下洛西橋忽逢車馬客飛蓋動襜褕單衣鼠毛織寶
劍羊頭銷丈夫疲應對御者輟銜鑣柱間徒脉脉垣上幾翹
翹女本西家宿君自上宮要漢馬三萬匹夫婿任嫖姚擊囊
虎頭綬左珥鳧盧貂橫吹龍鐘管奏鼓象牙簫十五張內侍

十八賈登朝皆笑顏郎老盡訝董公超
日出東南隅行

邯鄲暫輟舞巴姬請罷絃佳人淇浦上艷趙復傾燕繁
穠旣為李照水亦成蓮朝沽成都酒暝數河間錢餘光
幸未借蘭膏空自煎 代樂府美女篇

王筠六首和吳主簿

日照鴛鴦殿萍生鴈鷺池遊塵隨影入弱柳帶風垂青
骹逐黃口獨鶴慘羈雌同衾遠遊說結愛久生離於今
方溘死寧須萱草枝

卷施心未發，
蔕蕪葉欲齊。
春蠶方曳緒，
新鷺正銜泥。
野雉呼雌雉，
庭禽挾子棲。
從君客梁後，
方畫掩春閨。
山川隔道里，
芳草徒萋萋。
春月二首

九重依夜管，
四壁慘無暉。
招搖顧西落，
烏鵲向東飛。
流螢漸收火，
絡緯欲催機。
爾時思錦字，
特製行人衣。
所望丹心達，
嘉客儻能歸。

露華初泥泥，
桂枝行棟棟。
殺氣下重軒，
輕陰滿四屋。
別寵增脩夜，
遠征悲獨宿。
愁縈翠羽眉，
淚滿橫波目。
長門

絕來往含情空杼軸
秋夜二首

落日照紅妝挾瑟當窓牖
寧復歌薜蘿惟聞歎楊柳
結好在同心離別由衆口
徒設露葵羹誰酌蘭英酒
會日杳無期薜蘿安得久

相思不安席聊至狹邪東
愁眉做戚里高髻學城中
雙眉偏照日獨縈好縈風
自陳心所想獻賦甘泉宮
傳聞方鼎食詎憶春閨中
遊望二首

劉孝綽五首

河流既浼浼河鳥復關關落花浮浦出飛雉度州還此
日倡家女競嬌桃李顏良人惜美珥欲以代芳管新縑
疑故素感趙茂衰班曳綃事掩穀搖珮奪鳴環客心空
振蕩高枝不可攀遙見隣舟主人投一物衆姬爭之
有客請余為詠

桑中始奕奕淇上未湯湯美人要雜珮上客誘明璫月
闌人聲靜微步出蘭房露葵不待勸鳴琴無暇張翠釵
挂已落羅衣拂更香如何嫁蕩子春夜守空牀不見青

絲騎徒勞紅粉妝
淇上人戲蕩子婦示行事一首

南皮弦吹罷終奕且留賓
日下房櫳閤華燭命佳人側
光全照局回花半隱身不辭
纖手卷羞今夜向晨
賦
得照碁燭刻五分成

鷓弦且輟弄鶴操暫停徽
別有唳烏曲東西相背飛
倡
人怨獨守蕩子遊未歸
若逢生離曲長夜泣羅衣
夜
聽妓賦得烏夜啼

遺簪雕毒瑁贈綺織鴛鴦
未若華滋樹交枝蕩子房別

前秋已落別後春更芳所思不可寄誰憐盈袖香 賦
得遺所思

劉遵雜詩二首

可憐周小童微笑摘蘭叢鮮膚勝粉白慢臉若桃紅挾
彈雕陵下垂釣蓮葉東腕動飄香麝衣輕任好風幸承
拂枕選得奉畫堂中金屏幃翠被藍帕覆薰籠本欲傷
輕薄含辭羞自通剪袖思雖重殘桃愛未終蛾眉詎須
嫉新妝遞入宮 繁華應令

漢水深難渡深潭見水清錦竿繫鳧舸珠竿懸翠旂鳴
笳芳樹曲流唱采蓮聲神遊不停駕日暮反連營寧顧
空房裏階上綠苔生 從頓還城應令

王訓一首

殿內多仙女從來難比方別有當窻艷復是可憐妝學
舞勝飛鸞染粉薄南陽散黃分黛色薰衣雜棗香簡釵
新輟翠試履逆填牆一朝恃容色非復守空房君恩若
可恃願作雙鴛鴦 奉和率爾有詠

庾肩吾雜詩七首

佳期竟不歸春物坐芳菲
拂匣看離扇開箱見別衣
井桐生未合宮槐卷復稀
不及銜泥鷺從來相逐飛
詠得有所思

欲知畫能巧喚取真來映
並出似分身相看如照鏡
安釵等疎密著領俱周正
不解平城圍誰與丹青競
詠美人自看畫應令

桂宮連複道黃山開廣路
遠聽平陵鐘遙識新豐樹
合

殿生光彩離宮起烟霧日落歌吹還塵飛車馬度
賦
得橫吹曲長安道

春花競玉顏俱折復俱攀細腰宜窄衣長釵巧挾鬟洛
橋初度燭青門欲上關中人應有望上客莫前還
南
苑還看人

相逢小苑北停車問苑中梅新雜柳故粉白映綸紅去
影背斜日香衣臨上風雪流階漸黑冰開池半通去馬
船難駐曉烏曲未終春然從此別車西馬復東
送別

於建興苑相逢

征人別未久年芳復臨牖燭下夜縫衣春寒偏著手願
及歸飛鴈因書寄高柳 應令春宵

隣雞聲已傳愁人竟不眠月光侵曙後霜明落曉前
紫髮起照鏡誰忍插花鈿 應令冬曉

劉孝威雜詩三首

鵲飛空繞樹月輪殊未圓常娥望不出桂枝猶隱殘落
照移樓影浮光動整澗樾馬悲羌吹城烏嘯塞寒傳聞機

杼妾愁余衣服單當秋絲已脆銜噓織復難斂眉雖不
樂舞劍強為歡請謝函關吏行當泥一丸 侍宴賦得

龍沙宵月明

妾家邊洛城慣識曉鐘聲鐘聲猶未盡漢使報應行天
寒硯水凍心悲書不成 奉和湘東王應令冬曉

妖姬含怨情織素起秋聲度梭環玉動踏躡珮珠鳴經
稀疑杼濕緯斷恨絲輕蒲桃始欲罷鴛鴦猶未成雲棟
共徘徊紗窓相向開窓眉語度紗輕眼笑來矐矐隔

淺沙的的見妝華，鏤玉同心蕩。列寶連枝花，紅衫向後。
結金簪，臨鬢斜機頂，挂流蘇，機傍垂結珠青絲，引伏兔。
黃金繞鹿盧，艷彩裾邊出芳脂。口上渝百城，交問道五。
馬共峙，塢直為閨中人守，故不要新夢，曉清花枕覺淚。
濕羅巾，獨眠真自難，重衾猶覺寒。愈憶凝脂暖，彌想橫。
陳歡行，驅金絡騎歸就城南，端城南稍有期想子亦勞。
思羅襦，久應罷花釵，堪更治新妝，莫點黛，余還自畫眉。
都縣遇見人，織率爾寄婦。

徐君備雜詩二首

歡多情未極賞至莫停杯酒中挑喜子粽裏覓楊梅
簾開風入帳燭盡炭成灰勿疑鬢釵重為待曉光來
共
內人夜坐守歲

梳飾多今世衣著一時新草短猶通屨梅香漸著人
樹斜牽錦帔風橫入紅綸滿酌蘭英酒對此得娛神
初
春攜內人行戲

鮑泉雜詩二首

金瓶梅詞話卷八
洛陽小苑地車馬盛經過緣溝駐行憇傍柳轉鳴珂履
高含響珮襪輕半隱羅浮雲無處所何用轉橫波 南
苑看遊者

妖姬競早春上苑逐名辰苔輕變水色霞濃掩日輪雕
甍斜落影畫扇拂遊塵衣香遙已度衫紅遠更新誰家
蕩舟妾何處織縑人 落日看還

劉緩雜詩四首

不信巫山女不信洛川神何關別有物還是傾城人經

共陳王戲曾與宋家隣
未嫁先名玉來時本姓秦
粉光猶似面朱色不勝脣
遙見疑花發聞香知異春
釵長逐鬢髮 袜小稱腰身
夜言嬌盡日日態還新
工傾荀奉倩能迷石李倫
上客徒留目不見正橫陳
敬酬劉長

史詠名士悅傾城

別後春池異荷盡欲生
冰箱中剪刀冷臺上面脂凝
纖腰轉無力寒衣恐不勝
寒閨

樓上起秋風絕望秋閨中
燭溜花行滿香燃簾欲空
徒

交兩行淚俱浮妝上紅 秋夜

不堪寒夜久夜夜守空牀衣裾逐坐禱釵影近燈長無
憐四幅錦何須辟惡香 冬宵 雜詠和湘東王三首

鄧鏗雜詩二首

別離雖未久遂如長別離叢桂頻銷葉庭樹幾攀枝君
言妾貌改妾畏君心移終須一相見併得兩相知 和

陰梁州雜怨

燭華似明月鬟影勝飛橋妓兒齊鄭舞爭妍學楚腰新

歌自作曲舊瑟不須調
衆中俱不笑座上莫相撩
奉
和夜聽妓聲

甄固詩一首

昨晚褰簾望初逢雙鷺歸
今朝見桃李不啻數花飛
以
愁春欲度無復寄芳菲
奉和世子春情

庾信雜詩三首

洞房花燭明燕餘雙舞輕
頓履隨疎節低鬟逐上聲
半
轉行初進飄衫曲未成
回鸞鏡欲滿鵲顧市應傾
已曾

天上學詎似世中生 奉和詠舞

牽牛遙映水 織女正登車
星橋通漢使 機石逐仙槎
隔河相望近 經秋別離賒
愁將今夕恨 復著明年花 七

夕

紫閣旦朝罷 中臺文奏稀
無復千金笑 徒勞五日歸
步檐朝未埽 蘭房晝掩扉
苔生理曲處 網積回文機
故瑟餘弦斷 歌梁秋鷺飛
朝雲雖可望 夜帳定難依
願憑甘露入 方假慧鑿輝
寧知洛城晚 還淚獨霑衣 仰和何僕

射還宅懷故

劉邈雜詩四首

倡妾不勝愁結束下青樓
逐伴西蠶路相攜東陌頭
葉盡時移樹枝高乍易鉤
絲繩挂且脫金籠寫復收
蠶飢日已暮詎為使君留
萬山見采桑人

織織運玉指脈脈正蛾眉
振躡開交縷停梭續斷絲
檐花照初月洞戶未垂帷
弄機行掩淚翻令織素遲
見人織聊為之詠

螢飛綺窓外
妾思霍將軍
鐙前量獸錦
檐下織花紋
墜露如輕雨
長河似薄雲
秋還百種事
衣成未暇薰
秋

閨

高樓十載別楊柳
擢新枝摘葉驚
開駛攀條恨久
離年年阻音信
月月減容儀
春來誰不望
相思君自知
鼓

吹曲 折楊柳

紀少瑜雜詩三首

丹陵抱天邑
紫淵更上林
銀臺懸百仞
玉樹起千尋
水

流冠蓋影風揚歌吹音峙嶠憐拾翠顧步惜遺簪日落
庭花轉方幘屢移陰終言樂未極不道愛黃金 建興

苑

庭樹發春輝遊人競下機却匣擊歌扇開箱擇舞衣
棄
妾不復惜看光遽將夕自有專城居空持迷上客 擬

吳均體應教

愁人試出牖春色定無窮參差依網日澹蕩入簾風
落花還繞樹輕飛去隱空徒令玉筯迹雙垂明鏡中 春

日

聞人禱詩一首

高臺動春色清池照日華
綠葵向光轉翠柳逐風斜
林有驚心鳥園多奪目花
相與咸知節歎子獨離家
行人今不返何勞空折麻
春日

徐孝穆雜詩四首

此日乍殷勤相嫌不如春
今宵花燭淚非是夜迎人
舞席秋來卷歌筵無數塵
曾經新代故那惡故迎新
片月

窺花簾輕寒入帳中秋來應瘦盡偏自著腰身 走筆

戲書應令

十五屬平陽因來入建章主家能教舞城中巧旦妝低
鬟向綺席舉袖拂花黃燭送窻邊影衫傳鈴裏香當關
好留客故作舞衣長 奉和詠舞

倡人歌吹罷對鏡覽紅顏拭粉留花稱除釵作小鬟綺
鐙傳不滅高扉掩未關良人在何處惟見月光還 和
王舍人送客未還閨中有望

信來贈寶鏡亭亭似圓月鏡久自踰明人久情踰歇取
鏡挂空臺於今莫復開不見孤鸞鳥亡魂何處來 為
羊充州家人答餉鏡

吳孜雜詩一首

玉關信使斷借問不相諳春光太無意窺窓來見參火
與光音絕忽值日東南柳枝皆嫋鶯桑葉復催蠶物色
頌如此孀居自不堪 春閨怨

湯僧濟雜詩一首

昔日倡家女摘花露井邊摘花還自挿照井還自憐窺
窺終不罷笑笑自成妍寶釵於此落從來不憶年翠羽
成泥去金色尚如先此人今不在此物今空傳 詠潔
井得金釵

徐悱妻雜詩一首


日落應門閉愁思百端生况復昭陽近風傳歌吹聲寵
移終不恨讒枉太無情只言爭分理非妒舞腰輕 和

婕妤怨

王叔英妻劉氏雜詩一首

一生竟何定萬事良難保丹青失舊圖玉匣成秋草相
接辭關淚至今猶未燥漢使汝南還殷勤為人道 和

昭君怨



玉臺新詠卷八